

BCG cun in resultat legraivel per 2015

Il quint annual è meglier che spetgà

■ (anr/gc) L'entschatta da favrer envi- da la Banca Chantunala Grischuna (BCG) mintgamai las medias a la conferenza da bilantscha – sco il vender- di passà a Cuira. 2015 saja stà per la BCG in onn ch'ins haja cuntanschi dapli che spetgà. Il gudogn dal concern è creschì per 4,4% sin 168,2 milliuns francs. Ed ins possia uschia pajar cun ina dividenda da 38 francs en tut 95 milliuns al chantun ed als partizianaris. Il Grischun survegna – inclus l'indemnisaziun da la garanzia statale (2,9 milliuns) – 82,9 milliuns. Quai è dapli che per l'onn precedent.

Cuntents – malgrà circumstan- zas pli difficilas

Il president da la BCG, *Peter A. Fanconi*, enumerescha en sia retrospectiva era las tensiuns, chaschunadas l'onn passà, tras l'aboliziun dal curs minimal euro-franc, las regulaziuns creschentas, il squitsch da la marscha e las investiziuns. Quai vegn centrà e declerà spezialmain ord vista da l'economia grischuna. Facit: Las cundiziuns generalas èn daventadas pli difficilas. Il turissem ha problems, sco la bransch da construziun en consequenza da l'iniziativa per segundas abitaziuns ed il creschament economic en noss chantun è flaivel. Ma cun sa tegnair consequentamein vi da la strategia tshernida e cun in management da ristgas efficaci ha la BCG pudì cuntanscher sias finamiras.

Plaschair ha il parsura che la BCG è danovamain da chattar tranter las meglras bancas svizras, saja quai sco patruna, pervi da la scolaziun e cun esser fitg gentila visavi las dunnas. En tut occupa la BCG pli che 1000 persunas e scolescha 80 emprendists. Rodund 65% da las persunas privatas en il Grischun han ina relaziun bancara cun la BCG. Per mintga



Peter Fanconi, president da la BCG (a dretga), ed Alois Vinzens, CEO da quella.

MAD

segunda interpresa en noss chantun è la BCG l'institut bancar principal. Per 450 engaschaments ha la BCG dà 2015 contribuziuns da trais milliuns e vitiers anc in milliun sco sponsoring.

Facit: Dapli che spetgà

Segund il CEO, *Alois Vinzens*, ha la BCG grond sustegn e giuda ferma attaschadad. Ella dispona perquai era da las premissas per modifitgar ed adaptar ses servetschs als basegns da la clientela che sa midan. Legraivel è ch'il volu-

men da fatschenta è s'augmentà per 2,9%.

Mo ins è era stà confruntà cun pliras circumstanzas e cundiziuns na simplas. Tar ils emprests è sa dà in ferm augment dad 8,3%. Era las ipotecas èn s'augmentadas per 6,3%. La facultad dals clients è sa sminuida levamain sin 30,1 milliardas francs. Ils tshains negativs engrevgeschan la situaziun. Quest retgav è sa reduci per 2,3%, medemamain la fatschenta cun cumissiuns e commerzi (transacziuns da valuta) per 5,6%. La

BCG disponia dentant d'in aut agen cha- pital e da grondas reservas.

Gudogn stabil per 2016

Per quest onn vegn quintà cun in gudogn stabil, malgrà l'ambient conjunctural pli difficil ch'augmenta las ristgas da credit. Il resultat spetgà sa reduceschia a 170–175 milliuns. Quai correspunda ad in regress da 3–5 pertschient. Tar ils emprests datti probabel in plus da 500 milliuns e budgetads èn era 200 milliuns novs daders.